



本著作以創用CC「姓名標示-非商業性-禁止改作」4.0國際授權條款釋出。  
詳細授權條款，請至 <http://creativecommons.org/licenses/by-nc-nd/4.0/>。  
資料來源：教育部電子報「閱讀趣聞客語」專欄 <http://epaper.edu.tw>。

閩／人物／☆☆★★

## 阿嬤

頂站仔，去揣躡佇山頂的朋友，予個請食晝。桌頂的料理攏是野菜，有山芩蒿炒薑絲、蔭豉仔煮烏甜仔菜、曝焦的倒吊蓮花煮赤肉湯，攏是誠久無食著的山珍野味。閣有海產喔！是朋友個阿爸，去海墘砵砵石坪黠的「疍仔」，嘛有人講做「淺策」猶閣有「珠螺」佻「海參」等等。

食著遮濟足久無食著的野味，雄雄煞來想起足數念的一個人，一個親像阿母全款遐爾仔照顧我、疼惜我的厝邊阿嬤，猶閣有伊的燜飯配豆乳。

我讀國校仔彼段期間，阮爸母因為工課的關係，定定無佇厝，就央厝邊的阿嬤照顧我的三頓。逐工散學了後，功課若寫好，就浸佇阿嬤個兜，替伊顧籤仔店順繼等食飯，上讚的是會當食我愛食的四秀仔。

阿嬤個翁做炭空，拄著「落陷」走袂赴，自按呢就無閣轉來。阿嬤真儼硬，擔起扶養三個查某团的重擔。伊兩肢手無一時間，兩肢跤敢若北鼓箸咧。趁錢的工課，無一項考伊會倒，毋管是上山去過劍竹仔筍揸去市仔賣，抑是落湍田去割鹹草。工課若有閩縫就去山頂薈茅仔草根佻藥草交予青草仔店，若有錢通趁，阿嬤攏袂嫌艱苦。露水未焦就出門，日頭落山共伊的人影牽甲長長，伊才會入門。人若苦勸伊身體著較保重咧，阿嬤總是笑笑仔講：「少年著愛操，食老才有好尾梢。」阿嬤若入山作穡，一定順繼紮一堆野菜轉來，庄裡的人攏愛笑伊是王寶釧苦守寒窯，專門咧食野菜，我感覺野菜嘛袂歹食啊！

阿嬤閣有兩項好手藝，就是煮燜飯佻做豆乳。這馬的燜飯料著下誠濟，有豆乾角、香菇、肉絲，配料在人佻意，啊若阮阿嬤的燜飯就干焦三味：白米摻糙米，頂面囙番薯箍。透早起床就用大灶起火，煮一大鼎的燜飯，這鼎飯是阿嬤佻伊三個查某团和我五個人一工的三頓。燜飯是泔的，愛配阿嬤家已做的豆乳，無會無鹹無纖。一角豆乳聽好配三碗燜飯，啊若暗頓就閣有野菜通配。遮爾簡單的粗飯菜，配豆乳摻著阿嬤條直骨力的精神佻對我的疼惜，煞予我數念伊規世人。

作者：駱寶雲

### ☆詞彙學習☆

【央】iang：請求、懇求。

【順繼】sūn-suà：順便。

【四秀仔】sì-siù-á：零食、零嘴。

【炭空】thuànn-khang：專門開採煤礦的礦坑。

【遏】at：折。雙手在使力的狀態下將物品弄斷成兩半。

【湍田】lám tshân：爛泥田。

【苦勸】khóo-khng：苦諫。極力規勸，苦口婆心的勸告。

【在人】tsài-lâng：隨人、任人、由人。

【泔】tsiánn：味道淡、不鹹。

【無鹹無纖】bô-kiâm-bô-siam：形容食物淡而無味，過於清淡。